



# Hoërskool Marais Viljoen

## Marais Viljoen High School



P/Sak/Bag X011, Alberton, 1450  
h/v/c/o Bodmin & Cradock St, Alberante, 1449  
(T): 011 907 9013/4  
[info@maraisviljoen.co.za](mailto:info@maraisviljoen.co.za)

25 Mei 2022

### OMSENDSKRYWE 4 (2022)

Geagte Ouer / Voog

#### 1. SKOOLFONDS

Baie dankie aan al ons ouers/voogde wat getrou hulle skoolfonds betaal. Ons doen 'n dringende beroep op die ouers/voogde wat agterstallig is, om die skuld te vereffen. Vir enige navrae oor skoolgelde kontak gerus die finansiële kantoor by [finance@maraisviljoen.co.za](mailto:finance@maraisviljoen.co.za).

#### 2. GEKONTROLEERDE ASSESSERINGS (EKSAMEN)

Die gekontroleerde assessering neem op Maandag, 30 Mei 2022, 'n aanvang.

Die leerders het reeds die rooster en afbakenings ontvang. Die rooster is op D6 en Facebook beskikbaar.

**Graad 8- en 9-leerders moet elke dag 7:30 tot 13:00** by die skool wees.

Indien u reeds 'n eksamenbrief ingegee het, mag die leerders tuis studeer op die dae wat hulle nie eksamen skryf nie.

**Graad 10 tot 12-leerders kom skryf slegs eksamen in die geskeduleerde tyd.**

Neem asseblief kennis van die reëls wat daagliks tydens die assesseringstyd toegepas sal word:

- Voorkomsinspeksie sal gedurende elke sessie gedoen word.
- Sweetpakbaadjies word nie toegelaat nie. Geen ander warm baadjies word toegelaat nie. Slegs Marais Viljoen serpe mag saam wintersdrag gedra word. Daar is heelwat MV truie in die klerebank beskikbaar wat onder die skoolbaadjie gedra mag word.
- Oneerlikheid (notas/selfoon) gedurende die eksamen sal met 'n nul vir die vraestel gestraf word.
- Die selfoonreël word gedurende die eksamen toegepas. Indien 'n leerder se selfoon of oorfone sigbaar is in die klaskamer, word dit vir drie weke gekonfiskeer.
- Leerders mag nie gedurende sessies rondloop nie.
- Junior leerders moet dus voorskool, pouse of naskool die badkamers besoek.
- Senior leerders moet voor hulle sessies die badkamers besoek.
- Departementele matriekksamensreëls vereis dat geen leerder gedurende die eerste of laaste uur van 'n vraestel die lokaal mag verlaat nie. Ons poog om ons leerders nou reeds hieraan gewoond te maak vir die toekoms.
- Junior leerders sal telkens die laaste gedeelte van 'n sessie skryf, wat deur die duur van die betrokke vraestel bepaal sal word.
- Senior leerders wat laat arriveer vir 'n sessie, sal buite die lokaal moet wag tot die vraestel 'n aanvang neem en verbeur dus hul leestyd.
- Daar is 'n lokaal met toesig (7:30-13:00) beskikbaar vir leerders wat nie tuis kan studeer nie. Ouers moet die reëling per e-pos kommunikeer en indien die situasie verander, die skool per e-pos inlig.
- Seniors wat twee vraestelle op 'n dag skryf, mag tussen die sessies by die snoepie ontspan of in kamer 25 studeer. Geen seniors mag voor hulle sessie in die geboue rondhang, raas en ander eksamenlokale steur nie.

Neem asseblief kennis dat die sportoefeninge en wedstryde tydens die eksamen voortgaan. Sommige ligadatums is buite ons beheer. Afrigters sal hulle bes doen om akademie voorkeur te gee gedurende die tyd. Ons pleit egter by spelers om die oefeninge en wedstryde by te woon. Goeie beplanning en tydsbesteding maak dit moontlik vir die leerders om beide akademie en sport in te pas. Vars lug en oefening maak deel uit van goeie studie gewoontes. Dankie vir u ondersteuning in hierdie verband.

### **3. HOKKIE: ASTROBAAN**

'n Astrobaan is reeds baie jare op ons wenslys. Die koste hieraan verbonde beloop egter tussen R10-14 miljoen. Huidige fondsinsamelingsprojekte maak reeds deel uit van die begroting om skoolfonds so laag moontlik te hou. Ander kreatiewe idees is dus nodig om hierdie projek te finansier. 'n Entoesiastiese, begeesterde komitee gaan die antwoord wees om die moontlikhede te ondersoek, borge te kry en hierdie item op ons wenslys, te realiseer.

Ons nooi u om 'n e-pos te rig aan die hoof, by [martieh@maraisviljoen.co.za](mailto:martieh@maraisviljoen.co.za) indien u op die komitee wil dien, as borg kan optree, kontakte of kennis kan deel.

Ons sien uit om van u te hoor!

### **4. VRYDAG, 27 MEI 2022**

Die skool sluit Vrydag, 27 Mei 2022 om 12:30.

Ons leerders kan dus vroeg huis toe gaan om te begin studeer. Dit gee ook ons sportleerders die geleentheid om bietjie vroeër met hulle wedstryde te begin wat Vrydagmiddag plaasvind. Ons versoek dus dat leerders wat nie by die sport betrokke is nie, die terrein om 12:30 verlaat. Ons aanvaar geen verantwoordelikheid vir nie-sportleerders na 12:30 nie. Stuur asseblief 'n e-pos indien u vir u kind 'n reëling moet maak.

### **5. NAVRAE/PROBLEME/HULP**

Ons beklemtoon weer dat ons 'n oopdeurbeleid het en u so spoedig moontlik wil help.

*Alle navrae en probleme moet asseblief via die volgende e-posadresse gedoen word:*

Hoof:

[martieh@maraisviljoen.co.za](mailto:martieh@maraisviljoen.co.za)

Akademie:

[johletk@maraisviljoen.co.za](mailto:johletk@maraisviljoen.co.za);

[inam@maraisviljoen.co.za](mailto:inam@maraisviljoen.co.za)

Dissipline:

[hmuller@maraisviljoen.co.za](mailto:hmuller@maraisviljoen.co.za)

Veiligheid:

[paule@maraisviljoen.co.za](mailto:paule@maraisviljoen.co.za)

Boelie/Emosionele aanmeldings:

[elanzav@maraisviljoen.co.za](mailto:elanzav@maraisviljoen.co.za)

Sport:

[ryno@maraisviljoen.co.za](mailto:ryno@maraisviljoen.co.za)

Finansies:

[finance@maraisviljoen.co.za](mailto:finance@maraisviljoen.co.za)

Algemeen:

[adrис@maraisviljoen.co.za](mailto:adrис@maraisviljoen.co.za)

[info@maraisviljoen.co.za](mailto:info@maraisviljoen.co.za)

Die relevante departementshoof of onderwyser sal die ouer so gou moontlik kontak.

Vriendelike groete

  
**MARTIE HEYSTEK**  
**HOOF**

**LEIER IN VOLLEDIGE OPVOEDING**